

10-04-2019

UPA 2019/47

2020-mut aningaasanut inatsimmi ukiuni sisamani ukiumut 6 mio. kr-inik immikkut misileraalluni aningaasaliissuteqarnissamik Naalackersuisut peqquneqarnissaannut Inatsisartuni aalajangiiffisassatut siunnersuut. Suliniummut aningaasaliissutit 2020mit meeqqanut inuusuttunullu sumiginnakkanut qimarnguinnik (isumassuivinnik) pilersitsinermik misiligutitut suliniutinut sukumiisunut qinnuteqarnikkut atugassanngortinneqarsinnaanngussapput.

(Inatsisartunut ilaasortaq Peter Olsen, Inuit Ataqtigiit)

Inuit Ataqtigiit sinnerlugit Inatsisartuni ilaasortaq Peter Olsen siunnersuutaa Siumumiit imaattumik oqaaseqarfigissavarput.

Peter Olsen siunnersuuteqarpoq meeqqanut qimarnguinnik pilersitsinialuni 6 mio. kr. misileraalluni aningaasaliissuteqartoqassasoq.

Siunnersuut immini oqaluttuarpoq nunatsinni ajornartorsiuteqartugut imaannaanngitsunik, tassami meerarpassuaqarpoq angajoqqaaminnik sumiginnarneqartartunik. Kinguaassiuutitigut atonerluineq annertuvoq, persuttaasarneq atugaavoq, meerarpassuaqarpoq kaallutik innartartunik aammalu imigassaq ikiaroorartorlu ilaqtariippassuarni ajornartorsiutaapput. Meerartatta taamatut angajoqqaaminnik atugassaqtitaanerak akuerineqarsinnaanngilluinnarpoq.

Angajoqqaat meeqqanik sumiginnaasernerat akiorniassagutsigu paasisitsiniaaneq ingerlattuartaqarparput, meeqqat pisinnaatitaaffii pillugit paasisitsiniaanerit atuarfinni allanilu ingerlanneqartuaannartariaqarput. Meeqqat inuttut ajornartorsiorunik saaffigisinnaasaat ersarittumiittariaqarput paasisitsiniutigineqartuartaqarlutillu. Unnuami pingaartut Unnuarissat namminneq piumassutsiminnik suliniuteqartut annertuumik tapersersugassaapput nersortariaqarlutillu.

Ulluinnarni meeqqat ornittagaanni meeqquerivinni atuarfinnilu sulisut assigiinngitsorpassuit naammattoortarpaat, tamakku ernumanartut pillugit meeqquerisut ilinniartitsisullu pisussaaffitsik malillugu nalunaaruteqartarput, ilisimavarpulli kommunit iliuuseqartarnerat ulloq manna tikillugu sanngiippallaartoq arriippallaartartullu soorlu tamanna Meeqqat Illersuisuata ersarissumik nalunaarusiaani atuarneqarsinnaasut.

Tamakku ajornartorsiutit pillugit Naalackersuisut sumiginnaasernerup akiorniarneqarnissaanut iliuusissamik suliaqarnerat nuannaarutigaarput aammattaaq pitsaaliuinerup ingerlajuarnissaa nukittorsartuarnissaalu pisariaqarpoq.

Meeraq ajornartorsiuteqarpat amerlasuutigut angajoqqaat ajornartorsiuteqartarput. Ajornartorsiutit tamakku suliarineqassappata aqutit pitsaanerpaat ilagiat ilaqtariit ataatsimut katsorsarlugit, soorlu sumiiffit ilaanni misiliutigineqartartoq ilaqtariinnut inissiat "familielejligheder" taakkuninnga ilaqtariit misiliisimasut annertuumik alloriaateqartarput.

Meeqqanut qimarnguimmik pilersitsineq isumassarsialsialaasinnaavoq kisianni aamma ajornartorsiutit qitia suliassaavoq. Soorlu Naalackersuisut akissuteqaamminni oqaatigingaat meeqqanut qimarnguinnik pilersitsisoqassappat kommunit akisussaaffiisa iluanniittoq. Tamanna tunngavigalugu siunnersuut Siumumiik ilalernartinngilarput.

Doris J. Jensen, Siumut